

# „Wäntele“ Info !



## Ussgoob 01 / 2013

## Uss em Zumpftroot

Noo em Ruggdritt vom André us em Zumpftroot, het sich dr Zumpftroot zerscht mol miese an die neyi Situation gwöhne, dorum kunnt die erscht „**Wäntele**“ **Info!** au e weeneli spööter. Bis zer Zumpftversammlig versueche mr jetzt die Ufgoobe zu säxt zmäischtere.

Per Zumpftversammlig 2013 wird aber nit numme sAmt vom Stadthalter neu vergäh. sDoris Rohner mecht dKasse an e anders ibergh. Und au dr Marcel tritt usem Vorstand zrug.

Wär sich also eins vo däne Ämtli vorstelle kha oder öbber wüssti, wo das mache kennti, duet sich bitte bis zem 31. Auguscht bimene Vorstandsmitglied mälde. Au mir wärde bis dene uns iberlege. wär ächt kennti in Vorstand passe und gön meglicherwis uf die äinti oder anderi Person zue.

Meegliki Kandidate wärde denne uf dr Ylaadig zer Zumpftversammlig stoh, so dass sich jedes bis zer Sitzig no ka Gedangge mache.

## Aktuell

### Goschdyym

E baar usem Zumpftroot sin mit dr Theres Stucki zämme gsässe und hän Stoffballe gwälzt und viel verschiedes aaglugt. Schlussändlich hän sie sich fir e paar Stoff kenne entscheide. sDoris Walser het die Müschterli an dr letzte iebigsstund au derbi gha, vielleicht het se dr eint oder anderi gseh kha. Mr sin immerno dra die passendi Schnyderin zfinde. So bald mr do wieder e weeneli mehr wüsse, die mr wieder infoormiere.

## Ussicht

### Annqaschements

Zer Erinnerung die mr do die ganze Verastaltige uffiehere, wo mitlerwyyle au beschätigt worde sin. Nit vergässe – dHomepage isch au wieder aggtualisiert. De findisch also unter [www.waentele.ch](http://www.waentele.ch) au wieder snejischte.

18. – 27. Juli	Bäiz in dr Tattoo-Street
27. Juli	Basel Tattoo-Parade
28. Juli	Fête du Gewurztraminer in Bergheim (vorussichtlich fahre mr do erst gege die eins am Nomidaag ab)
17. Auguscht	Tag der Stadttore (dKlappebrieder dien dä Daag nümme e so durefiehere wie allewyl. Us däm Grund isch sich dr Zumpftroot am iberlege, ob mr das au elei welle mache oder gar nümmi. Idee wärde au gärn entgegenoh.)
01. Septämber	Pfifferdaj in Ribeauvillé
(28.-) 29. Septämber	Cannstatter Volksfescht in Stuttgart
06. Oggtober	Winzerfescht in Döttige

## Ruggblig

Am Sunntig 02. Juni hämer dr Trachteverein Basel-Stadt ufe Ballebärg begleitet. Noch äfanglich schlächtem Wätter isches immer besser worde. Mir häns zämme glatt kha und sPublikum het sich ab uns au gfreyt. Es isch e gmientliche Usflug gsi.

Mir würde uns an däre stell iber e baar Anekdotli freye, wo denn in dr nächschte „Wäntele“ Info! veröffentlicht wärde.

So das wärs fyrr dr Momänt-  
Adie zämme, händs Guet und bis zem näggschte Mool

dr Zumpftroot vo de Basler Källerwäntele Zumpft